



Møre og Romsdal
fylkeskommune

Informasjon om tilbud for minoritetsspråklege i Møre og Romsdal

2025–2026

Innhold

Informasjon om tilbod for minoritetsspråklege i Møre og Romsdal	0
Innleiing	2
1 Vidaregåande opplæring	3
Kven har rett til vidaregåande opplæring?	3
Korleis søke inntak til vidaregåande?	3
Har du fullført vidaregåande opplæring i utlandet?	4
Webskjema	5
2 Tilbod for elevar som er elevar i vidaregåande	6
Særskild språkopplæring	6
Tilpassa opplæring og individuelt tilrettelagt opplæring	6
3 Overgangstilbod for minoritetsspråklege	7
Målgruppe	7
Kva skolar har tilbodet?	7
Korleis søke?	8
Kva inneheld Overgangstilbod for minoritetsspråklege?	8
Rettar i Overgangstilbod for minoritetsspråklege	9
Saksbehandling	9
4 Finansiering	9
Tilskot til opplæring til unge som søker opphald i Norge	9
Tilskot til opplæring i norsk for vaksne personar med kollektiv beskyttelse	10
Tilskot til opplæring i norsk og samfunnskunnskap for vaksne innvandrarar	11

Innleiing

Møre og Romsdal sine tilbod skal sikre at minoritetsspråklege elevar får gode føresetnadar for å delta i og fullføre vidaregåande opplæring og kvalifisere seg til vidare utdanning og jobb. Minoritetsspråklege er personar med anna morsmål enn norsk eller samisk.

Fylkeskommunen har i tillegg til ordinær vidaregåande opplæring eit overgangstilbod, Overgangstilbod for minoritetsspråklege, som er for dei mellom 16–24 år som treng å betre dei grunnskolefaglege føresetnadane sine for å delta i og fullføre vidaregåande opplæring.

1 Vidaregåande opplæring

Kven har rett til vidaregåande opplæring?

Dei som har fullført grunnskolen eller tilsvarande har rett til vidaregåande opplæring etter opplæringslova §5-1 og opplæringsforskrifta §4-1. Søkarane må sende inn dokumentasjon på fullført grunnskole, oversett til norsk eller engelsk av godkjent translatør.

Opplæringsforskrifta §4-1 seier at «tilsvarande opplæring» mellom anna omfattar:

- dei som har gjennomgått allmenn grunnopplæring i utlandet i minst ni år (2. ledd, bokstav b),
- dei som har realkompetanse tilsvarande fullført førebauande opplæring for vaksne, (2. ledd, bokstav c), og

Søkarar må ha lovleg opphald i Noreg for å ha rett til vidaregåande opplæring. Berre dei som truleg skal vere i Norge i meir enn tre månader samanhengande, har rett til vidaregåande opplæring (oppl. §5-1 (1)). Dette gjeld dei fleste som søker om opphaldsløyve. Dei som ventar på avgjerd om opphaldsløyve, har rett til vidaregåande opplæring ut det skoleåret dei fyller 18 år. Søkar må legge ved kvittering på søkt forlenga opphald i Norge dersom opphaldsløyvet går ut før august i søknadsåret. Dei som får avslag på søknaden om opphaldsløyve, har rett til vidaregåande opplæring fram til datoen avslaget trer i kraft.

Korleis søke inntak til vidaregåande?

Søknadsfristen til vidaregåande opplæring er **1. mars** (forskrift til oppl. §4-9 (1)).

Søknadsfristen er likevel **1. februar**, mellom anna for dei som:

- har vedtak om særskild språkopplæring etter oppl. §§3-6 eller 6-5
- nylig har komme til Norge

- søker om individuell behandling

Søkarar til vidaregåande opplæring loggar inn med ID porten og leverer søknaden i Vigo.

Dette er dei obligatoriske vedlegga til søknaden:

- Vitnemål på fullført grunnskole i minst 9 år frå utlandet, oversett til norsk eller engelsk av godkjent translatør. Dei som har fullført norsk grunnskole treng ikkje å legge ved dokumentasjon på grunnskoleutdanning frå heimlandet.
- Kvittering på søkt forlenga opphald i Norge dersom opphaldsløyvet går ut før august i søknadsåret.

Dette er andre vedlegg som er relevante, men ikkje obligatoriske for innsøkinga:

- Vedtak om særskilt språkopplæring
- Kartleggingsresultat av språkferdigheiter
- Anna informasjon som er relevant for overgangen til vidaregåande opplæring

Mange søkarar som er nyleg komne til Norge har ikkje MinID eller BankID når dei skal søke vidaregåande. Hjelpinstans kan i desse tilfella ta kontakt med inntaksseksjonen på inntak@mrfylke.no.

Har du fullført vidaregåande opplæring i utlandet?

Dersom du er over 19 år og har studiekompetanse frå utlandet så har du kanskje godkjent studiekompetanse i Norge. Utdanninga di må stå på GSU-lista og du må dekke krava i norsk og engelsk.

- [Sjekk ditt land og utdanning på GSU-lista \(HKDIR\)](#)
- Språkkravet i norsk og engelsk kan dekkast på fleire måtar. [Samordna Opptak har informasjon om krav til norsk og engelsk og aktuelle prøver.](#)

Dersom du ikkje dekker språkkravet kan du registrere søknaden din til vidaregåande opplæring for vaksne i Vigo vaksen-portalen og:

- Søke om studiekompetanse og få opplæring i dei faga du manglar

- Søke om opplæring som gir yrkeskompetanse eller fag-/sveinebrev

Meir informasjon om vidaregåande opplæring for vaksne finst [her](#).

Webskjema

Søkarar som har tilretteleggingsbehov og søkarar som skal søke med fortrinn eller individuell vurdering skal i tillegg til søknaden i Vigo sende inn eit webskjema.

Fylkeskommunen har utvikla to webskjemamodular: eit for å melde om tilretteleggingsbehov, og eit for å søke fortrinn eller individuell vurdering.

Dei som har vedtak om særskilt språkopplæring eller har behov for særskilt språkopplæring i vidaregåande opplæring skal sende inn webskjema «Melding om tilretteleggingsbehov i vgo.» Skjemaet finst [her](#), og fristen er 1. februar.

Det er, mellom andre, to søkargrupper som kan ha behov for individuell vurdering i inntaket til vidaregåande opplæring.

1. Dei som har komne til Norge etter 1. januar året før søknadsåret eller i løpet av søknadsåret, og
2. Dei som bur i asylmottak

Desse søkarane skal sende inn webskjema «Søknad om fortrinn eller individuell vurdering». Skjemaet finst [her](#), og fristen er 1. februar.

Dei søkarane som både har vedtak om eller behov for særskilt språkopplæring, og har behov for individuell vurdering i inntaket, skal sende inn webskjema «Søknad om fortrinn eller individuell vurdering».

Møre og Romsdal fylkeskommune behandlar søknadar til vidaregåande opplæring så langt råd er etter fristen, men ikkje seinare enn 15 juni.

2 Tilbod for elevar som er elevar i vidaregåande

Særskild språkopplæring

Elevar som har anna morsmål enn norsk og samisk har rett til særskild språkopplæring til dei kan godt nok norsk til å følgje den vanlege opplæringa (oppl. §6-5). Dei vidaregåande skolane vurderer behovet for særskild språkopplæring og fattar vedtak. Særskild språkopplæring inneber forsterka opplæring i norsk, og om det trengst, morsmålsopplæring, tospråkleg opplæring i fag, eller begge delar. Fylkeskommunen vurderer jamleg om elevar med vedtak om særskild språkopplæring kan godt nok norsk til å følgje den vanlege opplæringa.

Fylkeskommunen kan vedta at eleven skal få morsmålsopplæring på ein anna skole enn den eleven går på.

Meir informasjon om særskilt språkopplæring og skjema finst [her](#) på fylkeskommunen sine sider, og læreplanar finst [her](#) på Udir sine sider.

Tilpassa opplæring og individuelt tilrettelagt opplæring

Minoritetsspråklege elevar har rett til tilpassa opplæring og kan ha rett til individuelt tilrettelagt opplæring.

Tilpassa opplæring er ein generell rettighet for alle elevar i grunnskolen og vidaregåande, og må ikkje forvekslast med særskild språkopplæring. Fylkeskommunen må tilpasse opplæringa slik at elevane får eit tilfredsstillande utbytte av opplæringa uavhengig av føresetnader, og hensikta er at alle skal få utnytta og utvikla evnene sine (oppl. §11-1).

Hovudregelen om retten til individuelt tilrettelagt opplæring finst i opplæringslova §11-6. Elevane har rett til individuelt tilrettelagt opplæring dersom dei treng det for å få tilfredsstillande utbytte av opplæringa. Det er krav om sakkunnig vurdering frå den pedagogisk-psykologiske tenesta i kommunen før fylkeskommunen kan avgjer om eleven har krav på individuelt tilrettelagt opplæring, jf. oppl. §11-7.

Fristen for å søke om individuelt tilrettelagt opplæring er 1. februar, og søknaden skal sendast inn gjennom fylkeskommunen sin webskjemamodul med dokumentasjon. Meir informasjon om å søke individuell tilrettelagt opplæring og skjemamodulen finst [her](#).

3 Overgangstilbod for minoritetsspråklege

Målgruppe

Overgangstilbod for minoritetsspråklege er eit tilbod til ungdom med anna morsmål enn norsk eller samisk som:

1. er mellom 16-24 år,
2. har lovleg opphald i Norge
3. har rett til vidaregåande etter opplæringslova §5-1 og forskrift til opplæringslova §4-1,
4. treng meir grunnskoleopplæring for å kunne delta i og fullføre vidaregåande opplæring

Kva skolar har tilbodet?

- Kristiansund vidaregåande skole
- Hustadvika vidaregåande skole
- Ulstein vidaregåande skole

Korleis søke?

Søknadsfristen for Overgangstilbod for minoritetsspråklege er 1. juni. For seint innkomne søknadar kan vurderast dersom klassane ikkje er fulle. Link til webskjema for tilbodet finst [her](#). Hjelpeinstans loggar inn på webskjema med ID-porten og fyller ut skjema saman med søkaren. I webskjemaet skal hjelpeinstans laste opp desse vedlegga:

- Vitnemål frå norsk grunnskole eller vitnemål på gjennomført grunnskole i minst 9 år frå utlandet, oversett til norsk eller engelsk av godkjent oversetter.
- Enkeltvedtak om rett til særskilt språkopplæring frå grunnskole eller vidaregåande skole, med kartleggingsresultat.
- Kvittering på søkt forlenga opphald i Norge dersom opphaldsløyvet går ut før august i søknadsåret.

Dersom søkarar til Overgangstilbod for minoritetsspråklege har søkt inntak til ordinær vidaregåande skole, og takker ja til plass i ordinær vidaregåande opplæring, vil ikkje søkaren få eit tilbod i Overgangstilbod for minoritetsspråklege.

Kva inneheld Overgangstilbod for minoritetsspråklege?

Overgangstilbod for minoritetsspråklege inneheld 30 timer i veka som er fordelt over desse faga:

Fag	Timer
Norsk	10
Engelsk	5
Matematikk	3
YFF eller utdanningsval	4
Samfunnsfag	3
Naturfag	3
Kroppsøving	2

Det er mogleg for elevar som meistrar enkeltfag godt å ta desse faga på ordinært vidaregåande nivå. Tilbodet er ikkje eit norskopplæringskurs, og deltakarar må ha grunnleggande kunnskapar i norsk som andrespråk for å følgje undervisninga.

Rettar i Overgangstilbod for minoritetsspråklege

Elevar i Overgangstilbod for minoritetsspråklege har rett på særskilt språkopplæring og individuelt tilrettelagt opplæring på lik linje med elevar i ordinær vidaregåande opplæring.

Dei har og rett på skoleskyss på lik linje med elevar i ordinær vidaregåande opplæring.

Saksbehandling

Seksjon for inntak saksbehandlar søknadane og sender ut vedtak om inntak i starten av juli når det ordinære inntaket køyrast.

4 Finansiering

Tilskot til opplæring til unge som søker opphald i Norge

Tilskot til grunnskoleopplæring og vidaregåande opplæring til barn og unge som søker opphald i Norge er ei statleg tilskotsordning som forvaltaast av Utdanningsdirektoratet (Udir). Hensikta med tilskotet er å bidra til finansiering og stimulere kommunane og fylkeskommunane til å gje grunnskoleopplæring og vidaregåande opplæring til unge mellom 16–18 år som søker opphald i Norge.

Dei vidaregåande skolane kan søke tilskot for unge asylsøkarar mellom 16–18 år i alle typar mottak og omsorgssenter, og unge asylsøkarar som søker familieegjenforening. Skolane får ikkje lenger tilskot når søknaden om opphald er avgjort, og

asylsøkaren/eleven har flytta til bostadskommunen eller reist ut av landet, eller når søknaden om familiegjenforeining er avgjort.

Målgruppa for tilskotet er elevar i ordinær vidaregåande opplæring. Skolane kan ikkje søke for elevar i Overgangstilbod for minoritetsspråklege. Søknadane fyllast ut av skolane og sendast direkte til Udir.

Søknadsportalen og meir informasjon om tilskotsordninga finst [her](#).

Tilskot til opplæring i norsk for vaksne personar med kollektiv beskyttelse

Tilskot til opplæring i norsk for vaksne personar med kollektiv beskyttelse er ei statleg tilskotsordning frå Integrerings- og mangfaldsdirektoratet (IMDi).

Ordninga består av tre typar tilskot: persontilskot, utvida norskopplæring og grunntilskot. Det er berre kommunane som får grunntilskotet. Hensikta med persontilskotet og tilskot til utvida opplæring er at kommunane og fylkeskommunane skal kunne tilby opplæring i norsk til fordrevne frå Ukraina som ønsker denne opplæringa. Det er den som utfører opplæringa som avgjer om det er kommunen eller fylkeskommunen som får tilskotet.

Det er viktig at kommunane registrerer dei elevane i målgruppa mellom 18–67 år som går i vidaregåande opplæring på fulltid i Nasjonalt introduksjonsregister (NIR) for at fylkeskommunen skal få utbetalt persontilskotet og tilskotet til utvida norskopplæring.

Meir informasjon om tilskotet og rundskriv finst på IMDi sine [nettsider](#).

Tilskot til opplæring i norsk og samfunnskunnskap for vaksne innvandrarak

Tilskot til opplæring i norsk og samfunnskunnskap for vaksne innvandrarak er ei statleg tilskotsordning frå Integrerings- og mangfaldsdirektoratet.

Ordninga består av to typar tilskot: persontilskot og grunntilskot. Det er berre kommunane som får grunntilskotet. Persontilskotet blir automatisk utbetalt til kommunar og fylkeskommunar. Målgruppa er vaksne innvandrarak mellom 16–67 år som har rett og plikt til opplæring i norsk og samfunnskunnskap. Hensikta med persontilskotet er at kommunane og fylkeskommunane skal kunne tilby opplæring i norsk og samfunnskunnskap for vaksne innvandrarak slik at dei lærer nok norsk til å fungere i yrkes- og samfunnslivet.

Det er viktig at kommunane registrerer dei elevane i målgruppa mellom 18–67 år som går i vidaregåande opplæring på fulltid i NIR for at fylkeskommunen skal få utbetalt persontilskotet.

Meir informasjon om tilskotet, kva type opphaldsløyve som omfattast av ordninga, og rundskriv finst på IMDi sine [nettsider](#).



Møre og Romsdal
fylkeskommune

Sjå mrfylke.no og vilbli.no for
meir informasjon, eller kontakt
oss på inntak@mrfylke.no